

Na osnovu člana 15. stav (1) Zakona o štrajku zaposlenih u institucijama Bosne i Hercegovine («Službeni glasnik BiH», broj 41/16) i člana 17. Zakona o Vijeću ministara Bosne i Hercegovine («Službeni glasnik BiH», br. 30/03, 42/03, 81/06, 76/07, 81/07, 94/07 i 24/08), na prijedlog Agencije za osiguranje u Bosni i Hercegovini, uz prethodnu saglasnost Sindikata državnih službenika i zaposlenika u institucijama Bosne i Hercegovine, Vijeće ministara Bosne i Hercegovine, na \_\_\_\_\_ sjednici održanoj \_\_\_\_\_ 2018. godine, donijelo je

**ODLUKU  
UTVRĐIVANJU MINIMUMA PROCESA RADA ZA VRIJEME TRAJANJA  
ŠTRAJKA U AGENCIJI ZA OSIGURANJE U BOSNI I HERCEGOVINI**

**Član 1.  
(Predmet odluke)**

Ovom odlukom utvrđuje se minimum procesa rada u Agenciji za osiguranje u Bosni i Hercegovini (u daljem tekstu: Agencija) za vrijeme trajanja štrajka zaposlenih u Agenciji.

**Član 2.  
(Pravo na organizovanje štrajka)**

Zaposleni u Agenciji mogu organizovati štrajk u skladu sa Zakonom o štrajku u institucijama Bosne i Hercegovine („Službeni glasnik BiH“, broj 41/16), na način koji neće ugroziti javni interes, opštu sigurnost, sigurnost imovine i lica kao i funkcionisanje Agencije.

**Član 3.  
(Minimum procesa rada)**

Zaposleni u Agenciji mogu početi štrajk ukoliko se obezbijedi minimum procesa rada koji osigurava nesmetano funkcionisanje svih organizacionih jedinica Agencije i obavljanje osnovnih aktivnosti iz njene nadležnosti.

**Član 4.  
(Obezbijedenje minimuma procesa rada u Agenciji)**

Minimum procesa rada u Agenciji za vrijeme štrajka ostvaruje se na način da se osigura kontinuirano obavljanje poslova koji se odnose na:

*a) Nadležnost direktorice*

1) Podrška radu direktorice u smislu obavljanja stručnih i administrativno-tehničkih poslova, uključujući evidenciju svih aktivnosti direktorice, stručnu i tehničku podršku sastancima koji se odnose na rukovođenje Agencijom;

*b) Odjeljenje za pravne i administrativno-tehničke poslove*

1) Poslovi koji su vezani za zakonom, podzakonskim aktima i ugovorima propisanim rokovima;

2) Pravni poslovi i poslovi koji proističu iz radno-pravnog statusa zaposlenih;

- 3) Poslovi javnih nabavki;
  - 4) Poslovi prijema i zavođenja akata i otpreme pošte.
- c) Odjeljenje za međunarodnu saradnju, finansije, statistiku i aktuarstvo*
- 1) Poslovi koji su vezani za zakonom, podzakonskim aktima i ugovorima propisanim rokovima;
  - 2) Poslovi finansijskog upravljanja i računovodstva koji su u vezi sa materijalno-finansijskim osiguranjem rada Agencije.

#### **Član 5.**

##### **(Odluka o raspoređivanju zaposlenih u Agenciji u slučaju štrajka)**

- (1) Ukoliko do početka štrajka ne dođe do rješavanje spora mirnim putem, zaposlene koji su dužni raditi za vrijeme štrajka radi osiguranja minimuma procesa rada, na prijedlog šefova organizacionih jedinica Agencije, određuje direktorica Agencije posebnom odlukom.
- (2) Direktorica Agencije ne može odrediti članove štrajkačkog odbora da rade u smislu stava (1) ovog člana, bez saglasnosti štrajkačkog odbora.
- (3) Za vrijeme trajanja štrajka, organizatori štrajka su dužni da sarađuju sa direktoricom Agencije radi osiguranja minimuma procesa rada.

#### **Član 6.**

##### **(Odgovornost u slučaju nepoštivanja odluke)**

Zaposleni koji je odlukom direktorice iz člana 5. stav (1) ove odluke određen da radi za vrijeme štrajka, a odbije da radi, disciplinski je odgovoran za težu povredu radne dužnosti.

#### **Član 7.**

##### **(Realizacija odluke)**

Za realizaciju ove odluke zadužuje se Agencija.

#### **Član 8.**

##### **(Stupanje na snagu)**

Ova odluka stupa na snagu osmog dana od dana objavljivanja u „Službenom glasniku BiH“.

VM broj \_\_\_\_\_/18  
\_\_\_\_\_ 2018. godine  
Sarajevo

Predsjedavajući  
Vijeća ministara BiH  
Dr. Denis Zvizdić, s. r.

## **O B R A Z L O Ž E N J E**

### **a) Pravni osnov**

Pravni osnov za donošenje Odluke o utvrđivanju minimuma procesa rada za vrijeme štrajka u Agenciji za osiguranje u Bosni i Hercegovini (u daljem tekstu: Odluka) su član 15. stav (1) Zakona o štrajku zaposlenih u institucijama Bosne i Hercegovine ("Službeni glasnik BiH", broj 41/16), kojim je propisano da se minimum procesa rada za vrijeme štrajka utvrđuje aktom koji donosi Vijeće ministara Bosne i Hercegovine u formi odluke, na osnovu prethodno dostavljenog prijedloga poslodavca na koji je pribavljena saglasnost sindikata, radi zaštite javnog interesa, općeg interesa građana, opće sigurnosti, sigurnosti osoba i imovine, vodeći posebno računa da se moraju osigurati nesmetani uslovi života, rada i kretanja osoba, robe i usluga i član 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), prema kojem Vijeće ministara Bosne i Hercegovine, u ostvarivanju svojih prava i dužnosti, donosi odluke i druge akte.

### **b) Razlozi za uvođenje propisa i objašnjenje odabrane politike**

Zakon o štrajku zaposlenih u institucijama Bosne i Hercegovine, u članu 26. propisuje obavezu donošenja odluke od strane Vijeća ministara Bosne i Hercegovine na osnovu prethodno dostavljenog prijedloga poslodavca na koji je pribavljena saglasnost sindikata. Nadalje, Vijeće ministara Bosne i Hercegovine je na 139. sjednici održanoj 16.04.2018. godine donijelo zaključak kojim se sve institucije Bosne i Hercegovine zadužuju da pripreme prijedlog odluke o utvrđivanju minimuma procesa rada za vrijeme štrajka u svojoj nadležnosti, te ih upute Vijeću ministara Bosne i Hercegovine na donošenje. U cilju poštivanja prethodno navedene zakonske odredbe i izvršenja zaključka Vijeća ministara Bosne i Hercegovine, Agencija za osiguranje u Bosni i Hercegovini (u daljem tekstu: Agencija) pripremila je prijedlog odluke.

Prilikom izrade ove odluke posebna pažnja je posvećena preciznom normiranju pitanja koja se odnose na osiguranje minimuma procesa rada u Agenciji za vrijeme trajanja štrajka.

Pored utvrđivanja predmeta u članu 1. odluke, te utvrđivanja prava zaposlenih na organizovanje štrajka u članu 2., u članu 3. decidno se propisuje da zaposleni u Agenciji mogu početi štrajk ako se obezbijedi minimum procesa rada koji osigurava nesmetano funkcionisanje Agencije i obavljanje osnovnih djelatnosti iz njene nadležnosti. Članom 4. propisan je minimum procesa rada u Agenciji, a članom 5. donošenje odluke o raspoređivanju zaposlenih u Agenciji u slučaju štrajka. Član 6. utvrđuje disciplinsku odgovornost za zaposlenog koji ne poštuje odredbe ove odluke, a članom 7. zadužuje se Agencija za provođenje ove odluke. Članom 8. propisano je stupanje na snagu odluke .

### **c) Principi na kojima je zasnovan propis**

Principi na kojima se temelji ova odluka su: zakonitost, transparentnost, jednakopravnost, zaštita prava državnih službenika i zaštita javnog interesa.

**d) Usklađenost propisa s evropskim zakonodavstvom**

Analizom sekundarnih izvora prava Evropske unije utvrđeno je da materija koja se utvrđuje odlukom nije regulisana pravno obavezujućim aktima Evropske unije, te u skladu sa navedenim nije moguće dati ocjenu usklađenosti sa evropskim zakonodavstvom.

**e) Provedbeni mehanizam i način osiguravanja poštivanja propisa**

Za provođenje i osiguranje poštivanja odredbi ove odluke zadužena je Agencija.

**f) Obrazloženje finansijskih sredstava za provođenje propisa i finansijski efekti odluke**

Za provođenje ove Odluke nisu potrebna dodatna finansijska sredstva, a što je iskazano u Obrascu OFP - NE.

**g) Obrazloženje mogućih ekonomskih, socijalnih i okolišnih uticaja propisa**

Odluka nema nikakvog okolišnog ni ekonomskog uticaja, dok je socijalni uticaj vjerovatno mali, s obzirom da se istom, kao provedbenim propisom, samo detaljno uređuje osiguranje minimuma procesa rada u Agenciji za vrijeme trajanja štrajka.

**h) Opis konsultacija vođenih u procesu izrade odluke**

U skladu sa članom 7. Pravila za konsultacije („Službeni glasnik BiH“, broj 5/17) Agencija je objavila ovu odluku na svojoj službenoj internet stranici kao i na web stranici eKonsultacije. Odluka je, u skladu sa članom 15. Zakona o štrajku zaposlenih u institucijama Bosne i Hercegovine, dostavljena na saglasnost i Sindikatu državnih službenika i zaposlenika u institucijama Bosne i Hercegovine.

**i) Raspored eventualnog ponovnog preispitivanja odluke**

U slučaju promjene relevantnog zakonodavstva, odluka će se preispitati.